

Nombor-nombor Telefon yang Penting

WCC	04-228 0342
PPW	04-398 8340
Jabatan Bantuan Guaman	04-210 9100
Pusat Bantuan Guaman	04-261 7451

JABATAN POLIS

• Pulau Pinang (Ibu Pejabat)	04-222 1522
• Timur Laut	04-218 1822
• Barat Daya	04-866 2222
• Seberang Perai Utara	04- 5762222
• Seberang Perai Tengah	04-538 2222
• Seberang Perai Selatan	04-585 8222

BALAI POLIS

• Dato' Keramat	04-227 1422
• Jalan Patani	04-218 1844
• Kampung Baru	04-828 8522
• Pulau Tikus	04-228 0422
• Air Itam	04-826 8522
• Bandar Baru	04-828 4522
• Bukit Bendera	04-829 9422
• Batu Feringghi	04-881 1434
• Tanjung Tokong	04-890 3444
• Sungai Nibong	04-643 0222
• Jelutong	04-282 5922

HOSPITAL

JABATAN KECEMASAN DAN TRAUMA

• Hospital Pulau Pinang	04-222 5333
• Hospital Seberang Jaya	04-382 7333
• Hospital Balik Pulau	04-866 9333
• Hospital Bukit Mertajam	04-549 7333
• Hospital Sungai Bakap	04-582 4333

PEJABAT KEBAJIKAN

JABATAN KEBAJIKAN MASYARAKAT

• KOMTAR	04-650 5258
• Timur Laut	04-226 4531
• Balik Pulau	04-866 8442
• Bukit Mertajam	04-538 2584
• Butterworth	04-575 8715
• Jawi / Nibong Tebal	04-582 1798

WCC
sedia
membantu

**Kaunseling dan
sokongan emosi**

Nasihat guaman

**Tempat perlindungan
sementara**

**Perkhidmatan WCC
adalah percuma
dan sulit!**

WCC
Women's Centre for Change
Pusat Kesedaran Wanita

241, Jalan Burma, 10350 Pulau Pinang.
Tel: 04-228 0342/011-3108 4001
04-398 8340 / 016-439 0698
E-mail: wcc@wccpenang.org
Website: www.wccpenang.org

WCC
Women's Centre for Change
Pusat Kesedaran Wanita



MMK Pembangunan
Wanita, Keluarga dan Komuniti

ROGOL
BUKAN SALAH
ANDA!

Women's Centre for Change (WCC)
241, Jalan Burma, 10350 Pulau Pinang
Tel: 04-228 0342
011-3108 4001
E-mel: wcc@wccpenang.org
Laman Web: www.wccpenang.org

Pusat Perkhidmatan Wanita (PPW)
13 Lorong Sutera 6, Taman Sutera,
13700 Seberang Jaya, Pulau Pinang
Tel: 04-398 8340 / 016-439 0698
E-mel: ppw@wccpenang.org

Apa itu rogol?

Rogol adalah satu jenayah keganasan yang berbentuk seksual. Dari sudut undang-undang, rogol adalah satu perbuatan memasukkan zakar lelaki ke dalam faraj anda tanpa kehendak atau kerelaan anda. Jika anda di bawah umur enam belas tahun, seks samada dengan kerelaan atau tanpa kerelaan anda adalah rogol berkanun (statutory rape).

Lain-lain jenayah yang melibatkan keganasan seksual

Liwat, persetubuhan di luar tabi'i secara paksa, memasukkan objek ke dalam faraj, mulut atau dubur, mungkin lebih menyayatkan hati anda atau lebih bersifat ganas tetapi ianya tidak dianggap rogol dari segi undang-undang. Walau bagaimanapun, perbuatan ini boleh dianggap jenayah seperti mencabul kehormatan, melanggar kesopanan, seks di luar tabi'i dan percubaan merogol.

Rogol itu . . .

- **BUKAN** seks. Ia adalah satu keganasan. Perogol menggunakan kekerasan untuk menguasai dan mengancam anda. Seks diperlakukan sebagai senjata untuk menjatuhkan maruah anda. Rogol merupakan, cetusan rasa keganasan, kemarahan dan kuasa bertujuan untuk menyakitkan dan memalukan anda.
- **BUKAN** salah anda. Anda tidak menggalakkan rogol berlaku. Anda tidak minta dirogol tidak kira kelakuan dan apa jua pakaian yang dipakai. Kelakuan seorang wanita tidak memberi hak kepada seorang lelaki untuk merogolnya.

- **BUKAN** dilakukan oleh orang yang tidak dikenali sahaja. Kebanyakan wanita mengenali perogol. Perogol itu mungkin jiran anda, kawan, teman lelaki, ahli keluarga atau mempunyai tali persaudaraan dengan anda.
- **BUKAN** hanya terjadi kepada wanita yang muda. Kanak-kanak, wanita tua dan dari pelbagai latar belakang juga dirogol.
- **BUKAN** sesuatu yang terjadi pada waktu malam dan di tempat yang sunyi sahaja. Rogol boleh berlaku tanpa mengira waktu, siang atau malam. Rogol juga boleh terjadi “ di tempat yang selamat ” seperti di rumah, sekolah dan di tempat kerja. Rogol boleh berlaku pada bila-bila masa dan di mana-mana sahaja.

Jika anda dirogol

Jangan bersihkan diri atau tukar pakaian. Tindakan pertama anda mungkin untuk mencuci tubuh anda. Tetapi adalah amat penting bagi anda mendapatkan pemeriksaan perubatan sebelum membersihkan tubuh anda. Air mani dan darah, lumpur, sisa-sisa, sirat, rambut, dan pakaian adalah merupakan satu bukti.

Sokongan dari seorang saudara/kawan.

Minta pertolongan dari seseorang yang dapat memberi sokongan untuk menemani anda ke hospital dan balai polis. Adalah traumatik untuk mengimbas kembali secara terperinci kejadian rogol itu kepada doktor dan polis dengan bersendirian.

Pergi ke Jabatan Ketemasan dan Trauma di hospital kerajaan untuk dapatkan pemeriksaan perubatan dengan segera.

Kakitangan hospital akan bertindak memberitahu polis. Laporan polis boleh dibuat di hospital. Anda juga boleh memilih untuk membuat laporan di balai polis. Jika anda pergi ke balai polis terlebih dahulu, seorang polis wanita akan menemani anda ke hospital.

Di hospital

Anda akan diberi borang bagi mendapatkan kebenaran anda untuk membuat pemeriksaan dan untuk hasil pemeriksaan digunakan oleh polis dalam penyiasatan. Doktor akan memeriksa anda dan bahagian kemaluan anda. Pakaian anda juga akan diperiksa.

Penyiasatan polis

Selepas laporan polis, seorang polis wanita (pegawai penyiasat) akan ditugaskan untuk menyiasat kes anda. Satu pernyataan yang lengkap akan diambil. Anda mungkin akan diminta untuk menghadiri kawat cam (identification parade) untuk mengesahkan orang yang dituduh merogol anda.

Selepas penyiasatan polis

Kerajaan melalui Timbalan Pendakwa Raya (TPR), bertanggungjawab untuk mendakwa kes anda. TPR akan memutuskan samada untuk mendakwa atau tidak. Jika terdapat bukti yang lengkap, TPR akan mendakwa kes ini.

Proses di mahkamah

Anda sebagai pengadu diperlukan untuk memberi keterangan di mahkamah sebagai saksi. Anda tidak memerlukan peguam, tetapi boleh mendapat perkhidmatan peguam sendiri yang akan bertindak sebagai pemerhati (watching brief) untuk memberi sokongan tambahan kepada anda sebelum dan semasa perbicaraan. Bila anda memberi keterangan terperinci berhubung kejadian rogol, mahkamah boleh memerintahkan orang awam meninggalkan mahkamah. Ini dikenali sebagai perbicaraan tertutup (in camera).

Hukuman kesalahan rogol

Seksyen 376 Kanun Keseksan menetapkan bahawa sesiapa yang melakukan jenayah rogol akan dihukum penjara maksimum 20 tahun dan juga boleh dikenakan hukuman sebatan rotan.

Nota : Undang-undang di Malaysia tidak mengiktiraf rogol di dalam perkahwinan. Tetapi, seksyen 375A Kanun Keseksan telah menetapkan bahawa jikalau suami menyebabkan kecederaan, mengugut atau mencederakan isteri dengan tujuan melakukan persetubuhan, maka boleh dikenakan hukuman penjara sehingga lima tahun.

MEMAHAMI KESAN ROGOL

Jika anda pernah dirogol, anda mungkin akan mengalami rasa marah, kecewa, takut bimbang, gementar, rasa bersalah, dan malu. Anda mungkin juga kelihatan tenang dan tenteram atau akan mengasingkan diri untuk beberapa hari. Reaksi ini adalah normal.

Ingat, rogol adalah perbuatan jenayah yang dilakukan ke atas anda. Rogol bukan salah anda. Anda mungkin berasa lega jika dapat berbincang tentang perasaan anda dengan seorang yang anda percayai atau hubungi WCC untuk dapatkan bantuan.